

¡BOMBA!

Saber esta distinción,
de diplomacia es la esencia:
una cosa es injerencia,
y otra, colaboración



K'untzil

Miércoles 3 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2737 · www.lajornadamaya.mx

Sa'at u kuxtal Santiago Domínguez Aké, juntúul ti' le máaxo'ob tu jach kuxkiinsaj maaya miatsil

U mola'ayil Secretaría de la Cultura y las Artes de Yucatán (Sedeculta) tu jets'aj jaaj úuchik u sa'atal u kuxtal j antropólogo Santiago Domínguez Aké, máax jach k'ajóolta'an yóok'ool meyaj u beetmaj ti'al u kuxkiinsa'al maaya miatsil, yéetel tumen tu jach péeksaj káan iik' ti'ilil -lietaratura- ich maaya.

Yuum Santiagoe' siij tu kaajil Muxupip, tu ts'áaj u muuk'il u meyaj ti' ts'iib, beyxan j ka'ansaj yéetel tu kanaj xan fisioterapia.

Sedecultae' tu yaj óoltaj úuchik u kiimil yéetel tu chíimpoltaj xan noj meyaj tu beetaj yóok'olal miatsil.

"Juntúul nojoch wiinik kaláantik maaya t'aan, beyxan maaya tuukul. Kuxlaj yéetel ts'iibnaj yóok'olal kool, meyaj yéetel maaya tuukul, tumen leti'e' u k'áat u ye'es ba'ax u yojel kaaj, beyxan u na'at, tumen ma' unaj u p'áatal chéen ich k'óoben wa ti' soolari', unaj xan u xo'okol, u ka'ansal yéetel u

chíimpolta'al", beey úuchik u ya'alal tumen Secretaría ti' redes sociales.

J antropólogo' xooknaj tu kaajil Motul. Tu xokaj u preparatoria tu kaajil Jo' yéetel tu ts'o'oksaj u xookil Antropología tu noj najil xook Facultad de Ciencias Antropológicas méek'a'an tumen Universidad Autónoma de Yucatán (UADY).

Ichil ba'ax ku béeytal u xo'okol tu yóok'olal ich Enciclopedia de la Literatura Indígena, ku yila'ale' juntúul ti' le yáax máaxo'ob táakmuk't le ba'ax ku k'aba'tik Literatura Indígena tu ja'abilo'ob 90, tumen tu beetaj jejeláas ensayos yéetel ts'iibo'ob yóok'olal Felipe Carrillo Puerto, wa yóok'olal ba'ax ku beetik maaya kaaj.

Beyxan, meyaj tu kúuchil Dirección General de Culturas Populares yéetel tu ts'áaj maaya xook ti' jejeláas najilo'ob xook, je'el bix xan uláak' cursos yaan ba'al u yil yéetel ts'aak beyxan maaya fisioterapia.

Astrid Sánchez / lajornadamaya.mx
Oochel Fernando Eloy

